

IDIŌŌ NDIWUT IDAHA PAUL NTE OWO-MBET

2 Nwedi Corinth 10:1-18;11:1-33; 12:1-21.

ŌYŌHŌ UKPEP-NKPŌ 397

Eke Mkparawa

IKŌ IBUOT: “Koro idighe owo emi otorode idem ke ebat ke eti, edi owo emi ŌbŌn otorode.” (2 Nwedi Corinth 10:18).

Mme Utom Heaven

Usen kiet Jesus owut Paul, owo-mbet idem ke uñwana emi otode Heaven. Ke ini Paul ōkŌbŌrŌde ete, “ŌbŌn, oyom ami nnam nso?” ŌbŌn ama ōnŌ enye utom ndikwŌrŌ Jesus ke iso mme Gentile ye mbŌn, ye nditŌ Israel” (Utom Mme Apostle 9:15).

Jesus ama owut Moses idem onyũ okot enye oto ke ikŌt emi akasakde ikañ ke akpa-utatan Midian. Ke ini Moses ōkŌdŌhŌde ete, “Se mi mi”, ŌbŌn ama ōdŌn enye ndisioño nditŌ Israel ke ufin Egypt.

Jesus ama owut Peter ye Andrew idem nte mmŌ esuk eduŌkde iyire ukŌ iyak ke inyañ. Ke ndo-ndo oro mmŌ ekpŌnde iyire mmŌ enyũ etienede Jesus, enye ama anam mmŌ edi mme ōkŌ owo.

Utom Fo

Ini odu ke uwem owo kiet kiet emi Jesus esiyararede idem ōnŌ enye ke usuñ ekededi. Nte Enye owut fi idem? Ekeme ndidi emi ekedi ke suñ-suñ ekpri uyo ke esit, edi Enye ama anam fi ōdiŌnŌ ete ke ImŌ iyom fi ōkpŌn mme idiŌk usuñ fo; ndien edieke afo ama eyere nte mmŌ emi ekeyerede, enyũ edŌhŌde ete, “ŌbŌn nyenam”, ŌbŌn akanyaña fi onyũ ōdŌn fi ndinam ñkpŌ nnŌ Enye.

Ke ini afo enyenede ifet ndinam ekpri mfŌn ido ekededi me utom nnŌ owo efen, eka ye ete fo, ufan fo, andikpep fo, ōbŌk-erŌn fo, ti ete ke Jesus ōdŌn fi anam enye, ndien emi eyedi idara ōnŌ fi.

Idaha Paul Nte Owo-mbet

Nnyin imŌfiŌk ite ke kpukpru ikŌ emi ewetde ke Nwedi Abasi edi akpanikŌ; mmŌ edi ikŌ Abasi. Ntre ke ini nnyin ikotde mme ñwed emi Paul ewetde emi enye etiñde abaña idem esie nte “Paul Apostle Jesus Christ”, ñko nte edide ke ukpep-ñkpŌ mfin, “Nse nte mmŌ, emi ebatde ke mme akakan Apostle, ikanke mi ke baba ñkpŌ kiet,” nnyin imŌfiŌk ite ke enye ekedi owo-mbet emi ŌbŌn Jesus Christ ekemekde. Enye ama ōdŌhŌ ini kiet ete, “Koro mbufo edi idiŌnŌ itie – Apostle mi ke ŌbŌn” (1 Nwedi Corinth 9:2). Ediwak owo emi ekekabarede esit ke ini utom Paul ekedi uwut-ñkpŌ ete ke ikot esie ndikwŌrŌ Eti-mbuk okoto Abasi.

Ndinam Edidiana-kiet Odu

Paul akamama mbon ufŌk Abasi Corinth. Enye ama okut ukut onyũ ōbŌn akam eti eti ndinam mmŌ esŌnŌ eda ke Eti-mbuk, ndien idahaemi enye ama ōfiŌk ete ke mme mbet abiaña ema edi Corinth ndiduri mbet etiene mmŌ ke ini enye mikoduhe do.

Man enam edidiana-kiet odu ke ufŌk Abasi, ama anyik Paul ndiwut idaha esie añwa-añwa nte mbet akpanikŌ ye ōkwŌrŌ-ikŌ ufŌk Abasi Corinth nte ōkpuhŌrede ye eke mme mbet abiaña. Enye ama ewet ete “Nda ifure-ifure ido ye mmem-mmem ido Christ” ekpe mmŌ ubŌk ndikere mbaña odudu esie.

EkŌn

Mme mbet abiaña ekeda Paul nte enye emi asañade ke obukidem me nte enye emi mibŌhŌ erinyaña. IbŌrŌ Paul ekedi okposuk edi nte imŌ inyenede ikpŌhidem obot edi ke imŌ iñwanake ekŌn ye obukidem, mme nte owo emi mibŌhŌ erinyaña anamde.

Ke Nwedi James nnyin imokot ibaña ekŌn emi mmŌ eke mifiŌkke Abasi eñwanade. Ebup mmŌ mbume emi: “ekŌn ye eñwan eto mmŌn edu ke otu mbufo? Nte mmŌ itoho ke ñkpŌ emi, kpa ke mme mbre mbufo (ñkpŌsŌn udŌn) emi eñwanade ekŌn ke ndido mbufo?” MmŌ emi mibŌhŌ erinyaña itreke

ndidi ibuk. Mmọ enyene n̄kpọsọn udọn eyom n̄kpọ enọ idem mmọ enyuñ esin mmọ emi Abasi ọdidiñde enyin.

Mmọ eñwana eñwan, etọhọ utọk inyuñ ikopke inemesit, koro mmọ iyakke idem mmọ inọ Abasi inyuñ iyom uñwam ito Enye. Mmọ ekere ete ke edi eti n̄kpọ ndinyene ekikere iyaresit ke esit mbaña mme owo emi ndusuk minamke ọfọn ye mmọ. Oro edi ekikere owo emi emenere idem esie añwana ye ifiọk Abasi.

Mme N̄kpọ-ekọn Spirit

Nnyin emi enyañade imeduk ekọn n̄ko, edi ukpeme nnyin oro edi mme n̄kpọ-ekọn nnyin, edi mme enọ mfọn eke Spirit emi Abasi ọnọde nnyin. Ifiọk erinyaña ukpọn añwam nnyin ndisoñọ nda ke ini idomo. Edinam-asana eyet esit nnyin asana, idahaemi, idomo oto ke añwa ikpọn. Uduọk-mmọn Edisana Spirit ye ikañ ọdọn nnyin ọyọhọ ọduọi ye ima Abasi ke esit nnyin.

Mme n̄kpọ mkpeme idem eke n̄kañ Spirit emi eñwam nnyin ndiwuri n̄kpọsọn ebiet andidiọk. Nnyin inam Ikọ Abasi, ke ini iduọnọde “kpukpru udu ye kpukpru n̄kari, ye mbubik, ye ufup, ye kpukpru idiọk ibaña” inyuñ itiene uwut-n̄kpọ Jesus, “emi, ke ini owo osuñide enye, Enye isuñike mmọ usiene; ke ini enye ebiede ke ndutuhọ, Enye itiñke ikọ ndighi, edi ayak ikọ Esie esin ke ubọk Andikpe edinen ikpe” (1 Peter 2:1, 23).

Edimum Mme Ekikere

Abasi etiñ abaña owo ete, “koro enye etiede kpa nte ekerede ke esit esie” (Mme N̄ke 23:7). Kpukpru nnyin iyom ndidi nti nditọ Abasi, oro edi nditọ iren ye nditọ iban emi Ọbọn edinemde esit eti-eti ye mmọ. Ukpep-n̄kpọ nnyin nfin etiñ abaña nte ikemedede ndimum “kpukpru ekikere nte mbuot-ekọn inam mmọ esuk ibuot enọ Christ”.

Ana nte iduọk, me ida, kpukpru ekikere eke edukde ke esit nnyin, etiene nte enemde Jesus esit. Edieke edide idiọk ekikere, idiọk ido me ekikere ndiwowuri, akpana eduọk enye, ndien esin ke itie esie eti ekikere, ekikere eke eyede, ekikere eti etop nte N̄wed Abasi ọdọhọde nnyin inam (N̄wed Mbon Philippi 4:8).

Suñ-Suñ Uwem Ke Christ

Mbon Corinth ekeket eti enyoñ-enyoñ uwem mme mbet abiaña, edi Abasi okokut esit mbuotidem Paul, oro edi se ikotimde ibebe enye ye mme owo. Paul ekefube ufup owo Abasi abaña mmọ. Enye okoyom etim enam mmọ esana man mmọ ekpodu ye enye ke Akpa Eriset, oro edi edidiọn emi adade owo adian ye Christ ke ini Enye edidide nditañ ikọt Esie.

Paul ekefehe ndik abaña n̄kari mme abiaña emi otode ifiọk n̄kari andidiọk emi odomode ndiwọnoro esit mmọ n̄kpọn edikop uyo nno Christ. Nte mme ukpep-n̄kpọ mme mbet abiaña ọkpọfọn mmọ akan ukwọrọ-ikọ Paul?

Ikọ Ndori-uyo

Mme mbet abiaña ema enyime ete ke mme n̄wed Paul ema edobi enyuñ enyene odudu, edi edọhọ ete, “Enye ke idem esie edi mmem-mmem, ikọ-inua esie inyuñ idighe n̄kpọ.” Edi nso ikedi ata akpanikọ? Edu uwem Paul ke Corinth nte uwut-n̄kpọ ama ọsọn odudu eti eti, tutu edikwọrọ Eti-mbuk esie akabare edi itiat idak-isọn mbuotidem mmọ. Ikọ esie ama ọsọn odudu eti eti tutu esin ikot Paul ete editiñ ikọ ke Obot Mars, esop emi okoñde akan ke idut oro, ke ini emi enye okodude ke Athens. Ke ini enye akadade ke iso Edidem Agrippa, edidem emi ama enyek oto ke ukwọrọ-ikọ, ọdọhọ ete, “Ọdọn fi ndinam mi n̄kabare ndi Christian” (Utom Mme Apostle 26:28).

Etie nte Paul ikesiwakke nditiñ ikọ nte akwa owo ifiọk emi enye ekedide, koro enye ọkọdọhọ ete, “Christ ikosioho mi idọn . . . edi ndikwọrọ gospel: Akan oro idọnke mi ete nda ikike ke editiñ ikọ n̄kwọrọ gospel, mbak cross Christ edikabare ikpikpu”. N̄ko ke akpa n̄wed esie emi enye ọkọnọde esọk mbon Corinth, enye ekewet ete, “Ndien ami, ke adañemi n̄kedide ke ọtọ mbufo, nditọ-ete, nsañake ye akan ikọ mme ifiọk n̄kwọrọ ndibe-n̄kpọ Abasi nno mbufo. Koro n̄kadaduak nte ndifiọkke baba n̄kpọ kiet ke otu mbufo, ke mibọhọke Jesus Christ ye nte ekewotde Enye ke cross.”

Paul Idighe Mbiomo

Paul ama ọbọn akam abañā mmọ emi enye akanamde ekabare esit onyūn ọkwọrọ ikọ ọnọ mmọ koro enye akamama mmọ. Okposuk edi nte ndusuk mmọ ekedide ediyom udori okuk eto mme owo, Paul ama anam utom ke otu mmọ ibọhọ okuk. Enye akanam utom nte ọdọk ufọk-ọfọn ke akpa ini oro enye akade Corinth, ndien ke ini enye okodude ke unana edi nditọ-ete ke Macedonia ekesiñwam enye, ke ntre enye ikedighe mbiomo inọ mmọ ekedude ke Corinth. Enye ọkọdọhọ ete, “Idighe inyene mbufo ke nyom, edi mbufo ke idem mbufo.”

Udomo-ńkpọ Abasi

Mme mbet abiaña ekedomo idem mmọ ke otu idem mmọ enyūn ekere ete ke mme imọ imenam ọfọn eti eti, edi eti udomo-ńkpọ ke uwem owo ekededi edi Ikọ Abasi. Uko Paul nte ọkwọrọ-ikọ ufọk Abasi mbon Corinth ekedi ime, ye mme idiọnọ ye mme utibe-ńkpọ emi Abasi akanamde ke ini Paul ọkwọrọde Ikọ (Mark 16:17-20). Mbon efen ekeda uko mmọ ke ntak emi mmọ ekedide Nditọ Israel, oro edi nditọ Abraham ndien mmọ eda idem mmọ nte mme anam-utom nnọ Christ. Paul okobure ke mme idomo ye mmemidem, koro ke ini enye okodude ke mmemidem enye ebere ke Ọbọn onyūn ọsọnọ ke Enye.

Ema emia enyūn etọnọ Paul ke itiat, ubom esie ama osip; enye ama odu ke akwa nnanenyin ke akai-ikọt, odu ke nnanenyin ke otu nditọ-ete abiaña, okop mmemidem ke ekikere onyūn odu ke ubiak, biọn ye nsat-itọn, ke akam ye utre-udia kpukpru ini, obiom idomo mme owo ke kpukpru ufọk Abasi ke esit esie. Edieke owo okopde mmemidem, enye ọyọ mmemidem oro. Edieke eduode owo ekededi, enye okop ubiak nko.

Ikọ-Itoro

Paul ama etiñ abañā ubọn Abasi ye mme erinyarare emi Abasi okowutde oto ke Heaven, edi enye ikobureke ibañā mme ńkpọ emi, sia enye ama ọfiọk ete, “Idighe owo emi otorode idem ke ebat ke eti, edi owo emi Ọbọn otorode.”

MME MBUME

- 1 Nso edi ntak emi okotimde ọdọn Paul nditiñ n̄wut idaha itie-mbet ye utom esie?
- 2 Enye okokot didie mmọ emi ekekade ndiduri mme mbet nsioño nnọ idem mmọ?
- 3 Nso utọ ekọn ke ekedori Paul ikọ ete ke enye akañwana?
- 4 Nso utọ ekọn ke mme anditiene-Christ esin idem ndiñwana?
- 5 Ntak emi edide akpan ńkpọ ndimum “kpukpru ekikere nte mbuot-ekọn, inam mmọ esuk ibuot enọ Christ”?
- 6 Nnyin inam didie ifiọk ite ke Paul ndidu ke ikpọhidem ama enyene odudu ndien ikọ esie enyene uko?
- 7 Nso edi ntak emi Paul ọkọkwọrọde ikọ ọnọ mbon Corinth ke mfọn?
- 8 Nso edi ntak emi mifọnke ndida idem nnyin ndomo ke otu idem nnyin?
- 9 Nso ikedi mme idiọnọ odudu Paul nte eti ọkwọrọ-ikọ ufọk Abasi ke Corinth?
- 10 Paul okobure ke nso? Nso edi ntak?